

MAIEKÄFER-CLIQUE.

Wenn z'Basel als e Flugjahr isch,
E mänge dr Datterri hett,
Will waggel duet sy Grossrootsitz
Lytt schloflos är im Bett.
O Maiekäfer du heschs guet,
Hesch näemer z'schycha wo di weehle duet.

E-n-alte Filz und Knauseri
Schneert als im Grossrootsaal,
Wenns Klainigkaite z'neergele gitt,
Schimpft dr Gregori iberall.
Dr Schmat bruucht vyl z'vyt Gald es isch e Gruus,
Do gehn mr d'Hoor schier zur Perygge-n-uus.

Die kaibe Lehrer schaffe nyt,
Stegge bloss dr Zapfe-n-y.
Furtjage sott me si no hitt,
Si bringe jo nyt y.
Worum nimmsch denn mit Freyde-n-a
Als Schwiegersohn e sone Lehrersma.

Ich walti bi in Moskau gsi,
Ha d'Laag dert inn schudiert.
Und ha dno in d'roBurgvogtei
De Dumme vorblagiert.
Die Russekinder jo pässe
Hänn Pfuusibagge, y ha's sälber gseht

Wenn ain an Prozässione goht,
So stell-en bi mir a.
Denn wenn au d'Schugger wäre rot,
Si wäre nit guet z'ha.
Schwarz muess e Polizeima sy,
Au wenn er schwärme tuet fir rote Wy.

Dr Strub nur provisorisch sitzt,
Als Gwärbinschpäggtter do.
Zu ihm hett gsait dr Schneyder Fritz:
Loh d'Kommunische goh.
Wird Du e brave Sozialischt,
Y schtell dr jetz derfir e Gnadefrischt.

Dr Schaatsfinanzie Miescherich
Sait s'Budget isch famos.
Dr Bonus aber findets nit,
Denn B'Defizit syg z'gross.
Denn nyn Millione das isch graad
E ganz e beesi Wälle fir dr Schmat.